



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

CCLXVI. Heinrich Bremer, Ghert von Wustrow und Henning Bleimer geloben dem Rathe der Altstadt Salzwedel eine Beschatzung des der Gefangenschaft entlassenen Heinrich Bremer zu entrichten, am 13. April

...

---

---

**Nutzungsbedingungen**

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

nonagesimo nono, dominica qua Cantatur letare. In cuius testimonium Sigillum vicariatus nostri presentibus est appensum.

Nach dem Originale im Stadtarchive zu Salzwedel.

CCLXVI. Heinrich Bremer, Gert von Wustrow und Henning Vletmer geloben dem Rathe der Altstadt Salzwedel eine Beschätzung des der Gefangenschaft entlassenen Heinrich Bremer zu entrichten, am 13. April 1399.

Ik Hinryk bremer, sakeweldeghe, vnde wy ghert van wostrow vnde Hennyngh vletmer, borgen vnd medelouere, wy alle Bekennen openbare in desseme bryue vor allen luden, de ene seen, horen ader lesen, dat wy schuldich sint deme rade in der oldenstad zoltwedel achteyn mark lunneborghere pennynghen, alse nu ghenghe vnde gheue sint in deme lande lunneborgh, vor Hinryk bremer's schattinghe vorgheomet. De vorscreuen achteyn mark scholle wy vnde wyllen en wol to danke bereyden vnd betalen in der stad zoltwedel nu to sunte Jacobs daghe neghest tho comende myt reden pennynghen ader myt nugastighen panden, dar se deses vorscreuen gheldes mede becomen moghen by crysten eder by Joden, vnd to den panden vul to dunde, alse pandes recht ys. Dat loue wy Hinryk bremer, ghert van wostrow vnd Hennyngh vletmer alle vorgheomet myt ener samenden hant deme rade in der olden stad zoltwedele wol to holdende sunder vortoch vnd hulperede: vnde wert, dat wy en deses vorscreuen gheldes nicht beredden vnd betaleden vppe den vorgheomenen sunte Jacobsdach, alse vorscreuen ys, welk vnsenn se denne manen vmme de samende hant, de schal se en holden, ofte se eme de myt rechte tho bracht hedden. Alle desse vorscreuen stucke loue wy Hinrik bremer, ghert van wostrow vnd Hennyngh vletmer alle erghenomet myt ener samenden hant deme rade in der olden stad zoltwedel wol to holdende sunder alle lyft. Ok bekenne yk Hinryk bremer vorgheomet, dat yk nicht schal noch wyl loes syn van deme rade in der olden stad zoltwedele der venghenisse, de yk en ghelouet hebbe, desse vorscreuen achteyn mark pennynghen sin en vul vnd al betalet, dat en nughet. Tu tughe vnd merer bekantnisse aller deser vorscreuen stucke hebbe wy Hinryk bremer, ghert van wostrow vnd Hennyngh vletmer alle erghenomet vns inghefegele henghen laten an dessen bryff. Gheven na godes bort drutheyn hundert Jar, in deme neghen vnd neghenteghysten Jare, des anderen sondages na deme passchen daghe.

Nach dem Originale des Salzw. Archives XVII, 26.